

S tim u vezi, Ministarstvo cijeni da su stečeni uslovi za pokretanje postupka prijevremenog razrješenja članice Upravnog odbora Univerziteta u Sarajevu, Mersihe Šabaredžović-Klačar, prema kojoj je Rješenjem Općinskog suda u Sarajevu, broj: 65 0 K 1153385 26 Kps od 21.04.2026. godine, izrečena mjera zabrane preduzimanja službenih dužnosti članice Upravnog odbora Univerziteta u Sarajevu, zbog čega se predlaže pokretanje tog postupka, a u skladu sačl. 4. i 14. Odluke.

Član 14. Odluke:

"(1) U slučaju da se u toku trajanja mandata bilo kojeg člana Upravnog odbora pojave razlozi zbog kojih imenovani član više ne ispunjava kriterije odnosno uslove kako je propisano zakonom, ovom odlukom ili uslove koji su propisani Statutom, isti je obavezan podnijeti ostavku na dužnost člana Upravnog odbora odmah po nastupanju tih razloga.

(2) Ukoliko član Upravnog odbora u slučajevima iz stava (1) ove tačke ne podnese ostavku, subjekti koji su prema ovoj odluci ovlašteni pokrenuti postupak prijevremenog razrješenja člana Upravnog odbora, mogu pokrenuti postupak za razrješenje."

Cijeneći sve navedno, kao i da je u konkretnom slučaju Vlada Kantona Sarajevo organ nadležan za prijevremeno razrješenje, predlaže se Vladi Kantona Sarajevo donošenje predloženog zaključka kojim se prihvata ova informacija i zadužuje Upravni odbor Univerziteta u Sarajevu i članica Upravnog odbora Upravnog odbora Univerziteta u Sarajevu čije se prijevremeno razrješenje predlaže da, putem Ministarstva za nauku, visoko obrazovanje i mlade Kantona Sarajevo, dostave pisano izjašnjenje u skladu sa članom 4. stav (15) Odluke.

Član 4. stav (15) Odluke:

"U slučaju prijevremenog razrješenja na osnovu prijedloga koji nije utvrdio i podnio Upravni odbor, organ nadležan za prijevremeno razrješenje je obavezan prije donošenja odluke o razrješenju pribaviti pisano izjašnjenje Upravnog odbora, kao i pisano izjašnjenje člana Upravnog odbora čije razrješenje se predlaže u odnosu na razloge navedene za prijevremeno razrješenje."

Također, predlaže se rok za dostavljanje izjašnjenja (odmah) imajući u vidu odredbu člana 351. Krivičnog zakona Federacije Bosne i Hercegovine, kojim je propisano da neizvršavanja pravosnažne sudske odluke predstavlja krivično djelo.

Broj 27/03-04-31373-1/26

01. jula 2026. godine
Sarajevo

Ministrica
Prof. dr. **Dužanka Bošković**, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 17. stav (4) Zakona o izvršavanju Budžeta Kantona Sarajevo za 2026. godinu ("Službene novine Kantona Sarajevo", broj 52/25), Vlada Kantona Sarajevo, na 137. sjednici održanoj 16.07.2026. godine, donijela je

ZAKLJUČAK

1. Odobrava se preraspodjela sredstava u Budžetu Kantona Sarajevo za 2026. godinu u iznosu od 32.691 KM, i to:

Org.kod	Ekon.kod	Sub-analitika	Funkcija	OPIS	IZNOS
				sa ekonomskog koda (izvor 10)	
19010001				Ministarstvo finansija Kantona Sarajevo	

19010001	614800		011F	Drugi tekući rashodi na ekonomske kodove (izvor 10)	32.691
21020014				JU OŠ "Mehmed-beg Kapetanović Ljubušak"	
21020014	611200	LBA068	091F	Naknade za regres za godišnji odmor	4.600
21020022				JU "Četvrta osnovna škola"	
21020022	611200	LBA0A8	091F	Naknade za regres za godišnji odmor	1.252
21020026				JU "Osmo osnovna škola - Amer Čenanović"	
21020026	611200	LBA0C8	091F	Naknade za regres za godišnji odmor	6.166
21020046				JU OŠ "Mehmedalija Mak Dizdar"	
21020046	611200	LBA0M8	091F	Naknade za regres za godišnji odmor	3.181
21020060				JU OŠ "Šejh Muhamed efendija Hadžijamaković"	
21020060	611200	LBA0U8	091F	Naknade za regres za godišnji odmor	6.301
21020071				JU OŠ "Aneks"	
21020071	611200	LAN0Q3	091F	Naknade za regres za godišnji odmor	6.166
21020072				JU OŠ "Šip"	
21020072	611200	LBA0Q3	091F	Naknade za regres za godišnji odmor	5.025

- Ministarstvo finansija Kantona Sarajevo će sredstva iz tačke 1. ovog zaključka preraspodijeliti u planu Budžeta Kantona Sarajevo za 2026. godinu i staviti na raspolaganje u operativnom planu.
- Budžetski korisnici ne smiju stvarati obaveze iznad iznosa odobrenog operativnog budžeta putem operativnih planova za tog budžetskog korisnika. Rashodi i izdaci svakog budžetskog korisnika ne mogu prelaziti iznose alokiranih budžetskih sredstva odobrenih za svaki mjesec ili drugi vremenski period koje je utvrdilo Ministarstvo finansija Kantona Sarajevo, osim uz saglasnost Ministarstva finansija Kantona Sarajevo.
- Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-34055-39/26

16. jula 2026. godine
Sarajevo

Po ovlaštenju premijera
Ministrica

Darja Softić Kadenić, s. r.

Ministarstvo za odgoj i obrazovanje Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 9. stav (3) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), ministrica za odgoj i obrazovanje Kantona Sarajevo donosi

PRAVILNIK

O IZMJENI I DOPUNI PRAVILNIKA O NOSTRIFIKACIJI I EKVIVALENCIJI INOSTRANIH SVJEDODŽBI/OBRAZOVNIH ISPRAVA U OSNOVNOJ I SREDNJOJ ŠKOLI

Član 1.

(Dopuna člana 6.)

U Pravilniku o nostrifikaciji i ekvivalenciji inostranih svjedodžbi/obrazovnih isprava u osnovnoj i srednjoj školi ("Službene novine Kantona Sarajevo", broj 10/25) u članu 6. iza stava (5) dodaju se novi st. (6) i (7) koji glase:

- "(6) Izuzetno, ukoliko u postupku nostrifikacije odnosno ekvivalencije inostrane svjedodžbe za određeni nastavni predmet u skladu sa nastavnim planom i programom Kantona Sarajevo nije moguće utvrditi odgovarajući predmet na osnovu inostrane svjedodžbe, učenik ima pravo polagati predmetni ispit iz tog nastavnog predmeta.
- (7) Na osnovu rješenja Ministarstva iz stava (3) ovog člana i učenicima koji su u skladu sa stavom (6) ovog člana položili predmetni ispit unose se ocjene u EMIS sistem s ciljem ostvarivanja daljnjih prava učenika na obrazovanje bez mogućnosti izdavanja javne isprave za položeni predmetni ispit."

Član 2.

(Izmjena člana 7.)

U članu 7. stav (3) mijenja se i glasi:

- "(3) U postupku nostrifikacije odnosno ekvivalencije inostrane svjedodžbe o završenom razredu, osnovnom ili srednjem obrazovanju obavezno se uzima u obzir sistem obrazovanja države u kojoj je inostrana svjedodžba stečena, nastavni plan i program ustanove koja ju je izdala, trajanje obrazovanja i drugi uvjeti pod kojima je inostrana svjedodžba stečena, prava koja daje inostrana svjedodžba u državi u kojoj je stečena i druge činjenice značajne za nostrifikaciju odnosno ekvivalenciju inostrane svjedodžbe, te je potrebno nostrifikacijom odnosno evivalencijom utvrditi predmet i ocjenu iz nastavnog predmeta u skladu sa nastavnim planom i programom u Kantonu Sarajevo."

Član 3.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-06/01-02-2422-4/26

13. jula 2026. godine

Sarajevo

Ministrica

Naida Hota-Muminović, s. r.

**Komisija za tumačenje odredaba i praćenje primjene
kolektivnog ugovora za državne službenike i
namještenike u organima državne službe
Kantona Sarajevo**

Na osnovu člana 108. stav (2) alineja a) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 15/26), Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo u sastavu Adis Palo - predsjednik, Elvis Zornić - zamjenik predsjednika, Onahti Čerkez - član i Nihad Kajmović - član, povodom zahtjeva Zavoda za informatiku i statistiku Kantona Sarajevo, broj 26-04-31778/26 od 22.06.2026. godine, a u vezi sa tumačenjem člana 18. stav (4), člana 60. stav (3) i (4) i člana 62. stav (1), tačka d) Kolektivnog ugovora za državne službenike i namještenike u organima državne službe Kantona Sarajevo (u daljnjem tekstu: Kolektivni ugovor), na redovnoj sjednici održanoj dana 06.07.2026. godine, donosi

ODLUKU**I**

Utvrđuje se tumačenje člana 18. stav (4), člana 60. stav (3) i (4) i člana 62. stav (1), tačka d) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 15/26), kako slijedi:

"U odsutnosti rukovodioca organizacione jedinice a u vezi donošenja prijedloga navedenog u članu 18. stav (4) Kolektivnog ugovora, rukovodilac će imenovati državnog službenika odnosno namještenika kao rukovodioca organizacione jedinice.

Pod dodatnim poslovima koji nisu sistematizovani aktom o unutrašnjoj organizaciji, u smislu člana 60. stav (4) Kolektivnog ugovora, podrazumijevaju se poslovi i zadaci koji nisu obuhvaćeni opisom poslova radnog mjesta na koje je državni službenik ili namještenik raspoređen, a koje privremeno obavlja pored poslova svog radnog mjesta zbog potreba procesa rada organa državne službe.

Ocjena da li određeni poslovi predstavljaju dodatne poslove koji nisu sistematizovani aktom o unutrašnjoj organizaciji vrši se u svakom konkretnom slučaju uvidom u akt o unutrašnjoj organizaciji, opis poslova radnog mjesta državnog službenika ili namještenika i akt kojim je određeno obavljanje dodatnih poslova.

Prava na uvećanja plaće utvrđena članom 60. stav (3) i (4) i članom 62. stav (1), tačka (d), međusobno se ne isključuju."

IV

Ova odluka će se dostaviti podnosiocu zahtjeva i Sindikatu putem Ministarstva pravde i uprave Kantona Sarajevo.

V

U skladu sa odredbama člana 108. stav (8) Kolektivnog ugovora, ova odluka ima pravnu snagu i učinak Kolektivnog ugovora, te će se u skladu sa članom 108. stav (14) objaviti u "Službenim novinama Kantona Sarajevo".

Članovi Komisije

Adis Palo, s. r.

Elvis Zornić, s. r.

Onahti Čerkez, s. r.

Nihad Kajmović, s. r.

Broj 03-03-03-31934-1/26

06. jula 2026. godine

Sarajevo

OPĆINA CENTAR SARAJEVO**Općinski načelnik**

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), čl. 25. i 69. Statuta Općine Centar Sarajevo - prečišćen tekst ("Službene novine Kantona Sarajevo", broj 23/04), a u vezi sa tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24), Općinski načelnik donosi

PRAVILNIK**O KRITERIJIMA I NAČINU****SUFINANSIRANJA/FINANSIRANJA PROJEKATA
JAVNIH USTANOVA PRIMARNE ZDRAVSTVENE
ZAŠTITE****I. OPĆE ODREDBE****Član 1.**

(Predmet pravilnika)

Ovim Pravilnikom utvrđuju se kriteriji, uslovi, način i postupak dodjele sredstava za sufinansiranje/finansiranje ustanova primarne zdravstvene zaštite iz Budžeta Općine Centar Sarajevo u skladu sa raspoloživim sredstvima, za projekte kapitalnih ulaganja ustanova primarne zdravstvene zaštite.

Član 2.

(Cilj sufinansiranja/finansiranja)

Cilj sufinansiranja/finansiranja je unapređenje kvaliteta zdravstvenih usluga, povećanje dostupnosti primarne zdravstvene